

«ՀԱՍՏԱՏՎԱԾ»
ԱՐԱՐԱՏԲԱՆԿ ԲԲԸ
Խորհրդի «27» փետրվարի 2026թ.

թիվ 05/04Լ որոշմամբ

Խորհրդի նախագահ

Գրիգոր Հովհաննիսյան _____



ԿԱՐԳ

**ԱՆԿԱԽ ԱՈՒԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ
ԸՆՏՐՈՒԹՅԱՆ**

Ուժի մեջ է՝ 2026թ.-ի փետրվարի «27»-ից

	<p>Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

ԲՈՎԱՆԴԱԿՈՒԹՅՈՒՆ

ԲԱԺԻՆ I. ՆՊԱՏԱԿԸ, ԿԻՐԱՌՄԱՆ ՇՐՋԱՆԱԿԸ, ԱՌՆԶՎՈՂ ՓԱՍՏԱԹՂԹԵՐԸ ԵՎ ՍԱՀՄԱՆՈՒՄՆԵՐԸ	3
ԳԼՈՒԽ 1. ՆՊԱՏԱԿԸ	3
ԳԼՈՒԽ 2. ԿԻՐԱՌՄԱՆ ՇՐՋԱՆԱԿԸ	3
ԳԼՈՒԽ 3. ԱՌՆԶՎՈՂ ՓԱՍՏԱԹՂԹԵՐ	3
ԳԼՈՒԽ 4. ՍԱՀՄԱՆՈՒՄՆԵՐ ԵՎ ՀԱՊԱՎՈՒՄՆԵՐ	4
ԳԼՈՒԽ 5. ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ	4
ԳԼՈՒԽ 6. ՀԱՎԵԼՎԱԾՆԵՐ	4
ԲԱԺԻՆ II. ՆԿԱՐԱԳՐՈՒԹՅՈՒՆ	5
ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ	5
ԳԼՈՒԽ 2. ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԸՆՏՐՈՒԹՅԱՆԸ ՆԵՐԿԱՅԱՑՎՈՂ ՊԱՀԱՆՋՆԵՐԸ ԵՎ ՉԱՓԱՆԻՇՆԵՐԸ	5
ԳԼՈՒԽ 3. ՀԱՆՁՆԱԺՈՂՈՎԻ ԿԱԶՄԸ ԵՎ ԳՈՐԾԱՌՈՒՅԹՆԵՐԸ	6
ԳԼՈՒԽ 4. ՄՐՑՈՒՅԹԻ ՄԱՍԻՆ ՀՐԱՊԱՐԱԿԱՅԻՆ ԾԱՆՈՒՑՈՒՄԸ	6
ԳԼՈՒԽ 5. ՀՐԱՊԱՐԱԿԱՅԻՆ ԾԱՆՈՒՑՄԱՆ ՓՈՓՈԽՈՒԹՅՈՒՆՆԵՐԸ ԵՎ ԼՐԱՑՈՒՄՆԵՐԸ ..	7
ԳԼՈՒԽ 6. ՄՐՑՈՒՅԹԻ ՀԱՅՏԵՐ ՆԵՐԿԱՅԱՑՆԵԼՈՒ ԿԱՐԳԸ	7
ԳԼՈՒԽ 7. ՏԵԽՆԻԿԱԿԱՆ ՀԱՅՏ	7
ԳԼՈՒԽ 8. ՖԻՆԱՆՍԱԿԱՆ ՀԱՅՏ	8
ԳԼՈՒԽ 9. ՄՐՑՈՒՅԹԻ ԱՆՑԿԱՑՄԱՆ, ՄՐՑՈՒՅԹԻ ՀԱՅՏԵՐԻ ԲԱՑՄԱՆ ԵՎ ՀԱՂԹՈՂԻ ՈՐՈՇՄԱՆ ԸՆԹԱՑԱԿԱՐԳԸ	9
ԳԼՈՒԽ 10. ՄՐՑՈՒՅԹԻ ՀԱՅՏԵՐԻ ՄԵՐԺՈՒՄԸ	10
ԳԼՈՒԽ 11. ՄՐՑՈՒՅԹԻ ՉԿԱՅԱՑՈՒՄԸ	10
ԳԼՈՒԽ 12. ՄՐՑՈՒԹԱՅԻՆ ԱՌԱՋԱՐԿՆԵՐԻ ԳՆԱՀԱՏՈՒՄԸ ԵՎ ԱՐԴՅՈՒՆՔՆԵՐԻ ԱՄՓՈՓՈՒՄԸ	10
ԳԼՈՒԽ 13. ԵԶՐԱՓԱԿԻՉ ԴՐՈՒՅԹՆԵՐ	13
ԲԱԺԻՆ III. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ ԽԱԽՏԵԼՈՒ ՀԱՄԱՐ, ԵԶՐԱՓԱԿԻՉ ԴՐՈՒՅԹՆԵՐ	13
ԳԼՈՒԽ 1. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ ԽԱԽՏԵԼՈՒ ՀԱՄԱՐ	13
ԳԼՈՒԽ 2. ԵԶՐԱՓԱԿԻՉ ԴՐՈՒՅԹՆԵՐ	14

	<p>Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

ԲԱԺԻՆ 1. ՆՊԱՏԱԿԸ, ԿԻՐԱՌՄԱՆ ՇՐՋԱՆԱԿԸ, ԱՌՆԶՎՈՂ ՓԱՍՏԱԹՂԹԵՐԸ ԵՎ ՍԱՀՄԱՆՈՒՄՆԵՐԸ

ԳԼՈՒԽ 1. ՆՊԱՏԱԿԸ

1. Անկախ աուդիտորական կազմակերպության ընտրության կարգով սահմանվում են ԱՐԱՐԱՏԲԱՆԿ ԲԲԸ-ի կողմից մրցույթների անցկացման նպատակով անկախ աուդիտորական կազմակերպություններին ներկայացվող պահանջները և չափանիշները, մրցութային առաջարկությունների գնահատման մեթոդները, մրցույթների կազմակերպման, անցկացման և արդյունքների ամփոփման կարգն ու ժամանակացույցը:

ԳԼՈՒԽ 2. ԿԻՐԱՌՄԱՆ ՇՐՋԱՆԱԿԸ

2. Անկախ աուդիտորական կազմակերպության ընտրության կարգի պահանջները տարածվում են անկախ աուդիտորական կազմակերպության ընտրության գործընթացներում ներգրավված ԱՐԱՐԱՏԲԱՆԿ ԲԲԸ աշխատողների վրա:

ԳԼՈՒԽ 3. ԱՌՆԶՎՈՂ ՓԱՍՏԱԹՂԹԵՐ

3. Անկախ աուդիտորական կազմակերպության ընտրության կարգն առնչվում է հետևյալ հիմնական փաստաթղթերի հետ.
 - 1) «Բանկերի և բանկային գործունեության մասին» ՀՀ օրենք,
 - 2) «Աուդիտորական գործունեության մասին» ՀՀ օրենք,
 - 3) «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենք,
 - 4) ՀՀ ԿԲ Խորհրդի 2022 թվականի հոկտեմբերի 04-ի թիվ 174-Ն որոշմամբ հաստատված «Ֆինանսական կազմակերպությունների ֆինանսատնտեսական գործունեության աուդիտ իրականացնող անձին ներկայացվող չափանիշները» Կանոնակարգ 22,
 - 5) ՀՀ ԿԲ Խորհրդի 2013 թվականի ապրիլի 16-ի թիվ 102-Ն որոշմամբ հաստատված «Բանկերի ներքին հսկողության իրականացման նվազագույն պայմանները» Կանոնակարգ 4,
 - 6) ԱՐԱՐԱՏԲԱՆԿ ԲԲԸ Խորհրդի 2024 թվականի նոյեմբերի 27-ի թիվ 54/Լ որոշմամբ հաստատված «Խորհրդին կից աուդիտի հանձնաժողովի կանոնադրություն»,
 - 7) ԱՐԱՐԱՏԲԱՆԿ ԲԲԸ Խորհրդի 2021 թվականի հունվարի 14-ի թիվ 02/01Լ-Հ որոշմամբ հաստատված «Իրավական ակտերի նախագծերի պատրաստման և ընդունման կարգ»,

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կոդ: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

- 8) ԱՐԱՐԱՏԲԱՆԿ ԲԲԸ Խորհրդի 2019 թվականի հուլիսի 10-ի թիվ 27/03Լ-Հ որոշմամբ հաստատված «Բանկի տեղեկատվական ակտիվների դասակարգման և նույնականացման կարգ»,
- 9) ԻՍՕ/ԻԷԿ 27001:2022 «Տեղեկատվական տեխնոլոգիաներ. Անվտանգության ապահովման մեխանիզմներ. Տեղեկատվական անվտանգության կառավարման համակարգեր. Պահանջներ» ստանդարտ:

ԳԼՈՒԽ 4. ՍԱՀՄԱՆՈՒՄՆԵՐ ԵՎ ՀԱՊԱՎՈՒՄՆԵՐ

4. Անկախ աուդիտորական կազմակերպության ընտրության կարգում օգտագործվում են հետևյալ հիմնական հասկացությունները՝
 - 1) **Բանկ**՝ ԱՐԱՐԱՏԲԱՆԿ ԲԲԸ,
 - 2) **Կարգ**՝ Անկախ աուդիտորական կազմակերպության ընտրության կարգ,
 - 3) **Մասնագիտացված կառույց**՝ «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» Հայաստանի Հանրապետության օրենքով սահմանված մասնագիտացված կառույց, այն է՝ քաղաքականություն իրականացնող մարմնի հավատարմագրած աուդիտորների, փորձագետ հաշվապահների, ինչպես նաև աուդիտորական կազմակերպությունների (այսուհետ՝ Մասնագիտացված կառույցի անդամ) անդամության հիման վրա գործող հասարակական կազմակերպություն,
 - 4) **Աուդիտորական կազմակերպության Պատրասխանաբու աուդիտոր**՝ Աուդիտորական կազմակերպության աուդիտորական եզրակացությունը ստորագրող անձ,
 - 5) **Աուդիտ իրականացնող խումբ**՝ Աուդիտորական կազմակերպության աշխատակիցների խումբ, որն անմիջականորեն ընդգրկված է Բանկի ֆինանսատնտեսական գործունեության աուդիտի իրականացման մեջ,
 - 6) **Ֆինանսական կազմակերպություն**՝ Բանկ, վարկային կազմակերպություն, ապահովագրական ընկերություն, ներդրումային ընկերություն, ներդրումային ֆոնդի կառավարիչ,
 - 7) **Հանձնաժողով**՝ Բանկում գործող Խորհրդին կից աուդիտի հանձնաժողով:

ԳԼՈՒԽ 5. ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ

5. Խնբագրություն 05, Կարգն ամբողջությամբ լրամշակվել է:

ԳԼՈՒԽ 6. ՀԱՎԵԼՎԱԾՆԵՐ

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

6. Կարգն ունի հետևյալ հավելվածները.
 - 1) Հավելված 1՝ Մրցույթի մասին հրապարակային ծանուցման ձև,
 - 2) Հավելված 2՝ Գրանցամատյան՝ Անկախ աուդիտորական կազմակերպության ընտրության հայտերի,
 - 3) Հավելված 3՝ Տեղեկանք՝ մրցույթի հայտն ընդունելու վերաբերյալ,
 - 4) Հավելված 4՝ Տեղեկանք՝ մրցույթի հայտը մերժելու վերաբերյալ:

ԲԱԺԻՆ II. ՆԿԱՐԱԳՐՈՒԹՅՈՒՆ

ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

7. Բանկի կողմից Անկախ աուդիտորական կազմակերպության ընտրությունը կատարվում է «Բանկերի և բանկային գործունեության մասին», «Աուդիտորական գործունեության մասին», «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» Հայաստանի Հանրապետության օրենքների, ինչպես նաև աուդիտորական գործունեությանը վերաբերող նորմեր պարունակող այլ օրենքների և իրավական ակտերի ու Կարգի դրույթների համաձայն:

ԳԼՈՒԽ 2. ԱՆԿԱՆ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԸՆՏՐՈՒԹՅԱՆԸ ՆԵՐԿԱՅԱՑՎՈՂ ՊԱՀԱՆՋՆԵՐԸ ԵՎ ՉԱՓԱՆԻՇՆԵՐԸ

8. Բանկի ֆինանսատնտեսական գործունեության աուդիտն իրականացնող աուդիտորական կազմակերպությունը պետք է լինի Մասնագիտացված կառույցի անդամ և ունենա բանկում աուդիտի իրականացման առնվազն 5 տարվա աուդիտորական աշխատանքի փորձ: Ընդ որում, այս չափանիշը չի տարածվում ըստ միջազգային խմբի տարեկան համախառն հասույթի մակարդակի առաջին 10 աուդիտորական ցանցերի լիիրավ անդամ հանդիսացող աուդիտորական կազմակերպությունների վրա:
9. Աուդիտորական կազմակերպության Պատասխանատու աուդիտորը պետք է լինի Մասնագիտացված կառույցի անդամ, ունենա աուդիտորի առնվազն 3 տարվա աշխատանքային փորձ, ինչպես նաև՝ Մասնագիտացված կառույցի կողմից տրված աուդիտորի որակավորում և միջազգային հաշվապահական կամ աուդիտորական որակավորում (օրինակ՝ էյ-Սի-Սի-էյ, Սի-Այ-էս-էյ):
10. Աուդիտորական խմբում ներգրավված աշխատակիցների առնվազն կեսը պետք է լինեն Մասնագիտացված կառույցի անդամ, ունենան աուդիտորական կազմակերպությունում առնվազն 3 տարվա աշխատանքային փորձ, ինչպես նաև՝ Մասնագիտացված կառույցի կողմից տրված աուդիտորի որակավորում կամ

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

միջազգային հաշվապահական կամ աուդիտորական որակավորում (օրինակ՝ Էյ-Սի-Սի-Էյ, Սի-Այ-Էս-Էյ):

11. Բանկի և աուդիտորական կազմակերպության միջև պայմանագիրը կարող է կնքվել մինչև 3 տարի ժամկետով: Աուդիտորական կազմակերպությունը կարող է իրականացնել Բանկի ֆինանսատնտեսական գործունեության աուդիտն անընդմեջ առավելագույնը 6 տարի, ընդ որում, տվյալ աուդիտորական կազմակերպության Պատասխանատու աուդիտորը կարող է իրականացնել Բանկի աուդիտն առավելագույնը 3 տարի: Աուդիտորական կազմակերպությունը Կարգի սույն կետում նշված 6 տարի անընդմեջ աուդիտի իրականացման դեպքում չի կարող իրականացնել Բանկի աուդիտն առնվազն 3 տարի:

ԳԼՈՒԽ 3. ՀԱՆՁՆԱԺՈՂՈՎԻ ԿԱԶՄԸ ԵՎ ԳՈՐԾԱՌՈՒՅԹՆԵՐԸ

12. Հանձնաժողովի կազմը և գործառույթները սահմանվում են Բանկում գործող «Խորհրդին կից աուդիտի հանձնաժողովի կանոնադրությամբ»: Հանձնաժողովի որոշմամբ իր կազմում խորհրդակցական ձայնի իրավունքով կարող են ընդգրկվել նաև Բանկի այլ աշխատակիցներ:
13. Բանկի բաժնետերերի տարեկան ընդհանուր ժողովից ոչ ուշ, քան 90 օր առաջ Հանձնաժողովը հաստատում է մրցույթի մասին հրապարակային ծանուցման տեքստը (Հավելված 1) և Կարգի 18-րդ կետով սահմանված ժամկետում կատարում է մրցույթի անցկացման մասին հրապարակային ծանուցումը:
14. Հանձնաժողովը Կարգով սահմանված ընթացակարգով և ժամկետներում բացում և գնահատում է մրցույթի հայտերը, ինչպես նաև որոշում է մրցույթի հաղթողին:
15. Հանձնաժողովը վարում է մրցութային հայտերի գրանցամատյան (Հավելված 2):
16. Հանձնաժողովի նիստերն արձանագրվում և Հանձնաժողովի նախագահին ու անդամներին ստորագրման են ներկայացվում Հանձնաժողովի քարտուղարի կողմից: Հանձնաժողովի քարտուղարը նշանակվում է Բանկի Խորհրդի որոշմամբ:
17. Հանձնաժողովը որոշում է ընդունում ձայների պարզ մեծամասնությամբ, իսկ ձայների հավասար բաշխվելու դեպքում Հանձնաժողովի նախագահի ձայնը որոշիչ է:

ԳԼՈՒԽ 4. ՄՐԳՈՒՅԹԻ ՄԱՍԻՆ ՀՐԱՊԱՐԱԿԱՅԻՆ ԾԱՆՈՒՑՈՒՄԸ

18. Հանձնաժողովը մրցույթի անցկացման մասին հրապարակային ծանուցումը կատարում է մրցույթի հայտերն ընդունելու վերջնաժամկետից առնվազն 30 օր առաջ:
19. Մրցույթի մասին հրապարակային ծանուցումը տեղադրվում է համացանցի Բանկի տնային էջում:

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

ԳԼՈՒԽ 5. ՀՐԱՊԱՐԱԿԱՅԻՆ ԾԱՆՈՒՑՄԱՆ ՓՈՓՈԽՈՒԹՅՈՒՆՆԵՐԸ ԵՎ ԼՐԱՑՈՒՄՆԵՐԸ

20. Հանձնաժողովը մրցույթի մասին հրապարակային ծանուցում կատարելուց հետո կարող է կատարել փոփոխություն և/կամ լրացում:
21. Մրցույթի մասին հրապարակային ծանուցման մեջ փոփոխությունները և/կամ լրացումները կատարվում են՝ պահպանելով Կարգի 19-րդ կետի պահանջները՝ մրցույթի հայտերն ընդունելու վերջնաժամկետից առնվազն 10 օր առաջ:
22. Մրցույթի մասնակիցները, մինչև մրցույթի հայտերը ներկայացնելու վերջնական ժամկետի ավարտը, կարող են փոփոխել կամ հետ վերցնել հայտերը: Մրցույթի հայտերի փոփոխությունը կատարվում է ծրարի վրա ավելացնելով «փոփոխում» բառը:

ԳԼՈՒԽ 6. ՄՐՑՈՒՅԹԻ ՀԱՅՏԵՐ ՆԵՐԿԱՅԱՑՆԵԼՈՒ ԿԱՐԳԸ

23. Մրցույթին մասնակցել ցանկացող աուդիտորական կազմակերպությունները հրապարակային ծանուցման մեջ նշված ժամկետներում Բանկ են ներկայացնում մրցութային առաջարկությունների երկու փաթեթ՝ երկու ծրարով.
 - 1) առաջին փաթեթը պարունակում է աուդիտորական ծառայության տեխնիկական կողմերին վերաբերող առաջարկությունները,
 - 2) երկրորդ փաթեթը պարունակում է աուդիտորական ծառայության ֆինանսական կողմերին վերաբերող առաջարկությունները:
24. Մրցույթի հայտերը ներկայացվում են սոսնձված, կնքված և/կամ ստորագրված ծրարներով:
25. Ծրարների վրա պետք է կատարվեն մրցույթի մասին հրապարակային ծանուցման մեջ նշված մրցույթի հայտի ներկայացման վայրի (հասցեի) և «չբացել մինչև հայտերի բացման նիստը» գրառումները:
26. Մրցույթի հայտը գրանցվում է առանձին գրանցամատյանում՝ ըստ ստացման հերթականության՝ ծրարների վրա նշելով գրանցման համարը, տարին, ամիսը, ամսաթիվը և ժամը:
27. Մրցույթի հայտերն ընդունվում են մինչև հրապարակային ծանուցման մեջ նշված հայտերի ներկայացման վերջին օրվա ժամը 17:00-ն:
28. Բանկը հայտ ներկայացրած մասնակցին տալիս է սահմանված ձևի տեղեկանք (Հավելված 3)՝ մրցույթի հայտն ընդունելու մասին:

ԳԼՈՒԽ 7. ՏԵԽՆԻԿԱԿԱՆ ՀԱՅՏ

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

29. Տեխնիկական հայտը պետք է ներառի հետևյալ տեղեկատվությունն ու փաստաթղթերը.

- 1) մրցույթի մասնակցի լրիվ անվանումը, պետական գրանցման վկայականի, կանոնադրության, աուդիտորական գործունեությամբ զբաղվելու լիցենզիայի պատճենները, գտնվելու վայրը, հեռախոսահամարները,
- 2) ծառայությունների մատուցման բնութագիրը,
- 3) ծառայությունների մատուցման ժամկետները,
- 4) այն բանկերի ցանկը, որոնց վերջին հինգ տարվա ընթացքում աուդիտորական կազմակերպությունը մատուցել է աուդիտորական ծառայություններ,
- 5) աուդիտորների անունները, ազգանունները, աշխատանքային փորձը, աուդիտորական որակավորման և մասնագիտական վերապատրաստման վկայականների պատճենները,
- 6) Աուդիտ իրականացնող խմբում ներգրավված աշխատակիցների, ներառյալ աուդիտ իրականացնող խմբի ղեկավարի միջազգային հաշվապահական և (կամ) աուդիտորական որակավորման (Էյ-Սի-Սի-Էյ, Սի-Փի-Էյ, Սի-Այ-Էս-Էյ և այլ) փուլերի առնվազն կեսն ավարտած լինելու փաստը հավաստող փաստաթուղթ (վկայական) կամ Մասնագիտական կառույցի կողմից տրված աուդիտորի որակավորումը հավաստող փաստաթուղթ (վկայական),
- 7) Աուդիտորական կազմակերպության Պատասխանատու աուդիտորի միջազգային հաշվապահական և (կամ) աուդիտորական որակավորման (Էյ-Սի-Սի-Էյ, Սի-Փի-Էյ, Սի-Այ-Էս-Էյ և այլ) և Մասնագիտական կառույցի կողմից տրված աուդիտորի որակավորման փաստը հավաստող փաստաթղթեր (վկայական),
- 8) Աուդիտորական կազմակերպության Պատասխանատու աուդիտորի առնվազն 3 տարվա աուդիտորի աշխատանքային փորձի վերաբերյալ տեղեկատվությունը,
- 9) աուդիտորական կազմակերպության և Բանկի միջև կնքվելիք պայմանագրով աուդիտորական կազմակերպության կողմից պարտականությունների չկատարման դիսկի դիմաց փոխհատուցման կարգի և վճարի չափի սահմանումը,
- 10) մրցույթի մասնակցի հայեցողությամբ այլ անհրաժեշտ տեղեկություններ և փաստաթղթեր, որոնք կհաստատեն իր կողմից մատուցվելիք ծառայությունների որակը:

ԳԼՈՒԽ 8. ՖԻՆԱՆՍԱԿԱՆ ՀԱՅՏ

30. Ֆինանսական հայտը պետք է ներառի հետևյալ տեղեկատվությունը.

- 1) ծառայությունների մատուցման ընդհանուր գինը, որը պետք է ներառի բոլոր տեսակի ծախսերը, այդ թվում՝ հարկերը, տուրքերը և այլն,

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

- 2) ծառայությունների մատուցման դիմաց վճարումների ժամանակացույցը,
- 3) մրցույթի մասնակցի հայեցողությամբ ծառայությունների մատուցման ֆինանսական կողմին վերաբերող այլ անհրաժեշտ տեղեկատվություններ և հիմնավորող փաստաթղթեր:

ԳԼՈՒԽ 9. ՄՐՑՈՒՅԹԻ ԱՆՑԿԱՑՄԱՆ, ՄՐՑՈՒՅԹԻ ՀԱՅՏԵՐԻ ԲԱՑՄԱՆ ԵՎ ՀԱՂԹՈՂԻ ՈՐՈՇՄԱՆ ԸՆԹԱՑԱԿԱՐԳԸ

31. Մրցութային առաջարկությունները գնահատելիս Հանձնաժողովն առաջնորդվում է Կարգով սահմանված պահանջներով և չափանիշներով՝ հաշվի առնելով նաև Բանկի և տվյալ աուդիտորական կազմակերպության միջև նախկինում առկա աշխատանքային փորձը:
32. Մրցութային առաջարկությունները գնահատվում են Կարգի Բաժին II-ի Գլուխ 12-ում նկարագրված մեթոդաբանությամբ: Մրցույթի հայտերը բացվում են Հանձնաժողովի նիստում հրապարակային ծանուցմամբ նախատեսված օրը և ժամին:
33. Մրցույթի հայտերի բացման նիստում հրապարակվում են.
 - 1) մրցույթի հայտը ներկայացրած յուրաքանչյուր անձի անվանումը,
 - 2) մրցույթի հայտեր ներկայացնելու համապատասխանությունը հրապարակային ծանուցման պահանջներին,
 - 3) տեղեկատվություն մրցույթի հայտերում փոփոխություններ կատարելու վերաբերյալ:
34. Մրցույթի մասնակիցները կամ նրանց ներկայացուցիչները կարող են ներկա գտնվել մրցույթի հայտերի բացման և մրցույթի հայտերի ամփոփման նիստերին:
35. Մրցույթի հայտերն ամփոփելու օրը Հանձնաժողովը կազմում է մրցույթի արդյունքների մասին արձանագրություն, որտեղ նշվում է.
 - 1) մրցույթի հայտերի բացման, ինչպես նաև մրցույթի հայտերի ամփոփման վայրը, ամսաթիվը, ինչպես նաև Հանձնաժողովի նիստին մասնակցած անդամների անունները և ազգանունները,
 - 2) մրցույթի մասնակիցների անվանումները և գտնվելու վայրը,
 - 3) հավաքած միավորների չափը և մրցույթում հաղթող ճանաչված մասնակցի անվանումը,
 - 4) այլ անհրաժեշտ տեղեկություններ:
36. Հանձնաժողովի անդամի հատուկ կարծիքը ներկայացվում է գրավոր, որը կցվում է արձանագրությանը և համարվում է դրա անբաժանելի մասը:
37. Մրցույթի արդյունքներն ամփոփելու օրը Հանձնաժողովի նախագահը և անդամները ստորագրում են մրցույթի արդյունքների մասին արձանագրությունը:
38. Հանձնաժողովը մրցույթի մասնակիցներին մրցույթի արդյունքների մասին գրավոր ծանուցում է երեք աշխատանքային օրվա ընթացքում:

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

ԳԼՈՒԽ 10. ՄՐՑՈՒՅԹԻ ՀԱՅՏԵՐԻ ՄԵՐԺՈՒՄԸ

39. Մրցույթի արդյունքներն ամփոփելուց հետո 3 աշխատանքային օրվա ընթացքում Հանձնաժողովը մրցույթում չհաղթած մասնակիցներին տրամադրում է սահմանված ձևի մերժման տեղեկանք (Հավելված 4)՝ նշելով մերժման հիմնավորումը:

40. Մրցութային առաջարկության մերժման հիմքերն են.

- 1) տեխնիկական փաթեթում ներառված առաջարկությունների անհամապատասխանությունը Բանկի կողմից սահմանված տեխնիկական պայմաններին կամ դրանում անհրաժեշտ տեղեկատվության բացակայությունը,
- 2) ֆինանսական փաթեթում ներկայացված առաջարկությունների անհամապատասխանությունը Բանկի կողմից սահմանված ֆինանսական առաջարկի պայմաններին կամ դրանում անհրաժեշտ տեղեկատվության բացակայությունը,
- 3) ֆինանսական փաթեթում ներառված առաջարկությունները Բանկի համար անընդունելի լինելը,
- 4) մրցույթի հայտը ներկայացվել է հրապարակային ծանուցման մեջ նշված ժամկետի խախտմամբ,
- 5) Կարգի 8-ից-11-րդ կետերով սահմանված պահանջների պահպանված չլինելը:

ԳԼՈՒԽ 11. ՄՐՑՈՒՅԹԻ ՉԿԱՅԱՑՈՒՄԸ

41. Հանձնաժողովի կողմից մրցույթը համարվում է չկայացած, եթե.

- 1) հայտ չի ներկայացվել,
- 2) ներկայացված հայտերը չեն համապատասխանում մրցույթի մասին հրապարակային ծանուցման մեջ նշված և/կամ Կարգով սահմանված այլ պահանջներին,
- 3) արտակարգ իրավիճակների պատճառով անհնար է դարձել Հանձնաժողովի աշխատանքների կատարումը:

42. Մրցույթի չկայացման դեպքում Հանձնաժողովը 10 աշխատանքային օրվա ժամկետում հայտարարում և իրականացնում է նոր մրցույթ՝ պահպանելով Կարգի դրույթները:

ԳԼՈՒԽ 12. ՄՐՑՈՒԹԱՅԻՆ ԱՌԱՋԱՐԿՆԵՐԻ ԳՆԱՀԱՏՈՒՄԸ ԵՎ ԱՐԴՅՈՒՆՔՆԵՐԻ ԱՄՓՈՓՈՒՄԸ

43. Մրցութային առաջարկների գնահատման մեթոդաբանությամբ տեխնիկական չափանիշների կշիռը 70% է, իսկ ֆինանսական չափանիշների կշիռը՝ 30%:

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

Մրցույթում հաղթելու չափանիշ է տեխնիկական և ֆինանսական չափանիշների կշիռների ամենաբարձր համակցված միավորը:

44. Գնահատման ժամանակ յուրաքանչյուր առաջարկին տրված ընդհանուր միավորը որոշվում է՝ գումարելով և կշռելով տեխնիկական չափանիշներին տրված միավորները՝ ստորև ներկայացված չափորոշիչներին համապատասխան:

Չափորոշիչներ	Կշիռ (%)	Կշիռ (%)
Տեխնիկական չափանիշներ	70	
Աուդիտորական կազմակերպության միջազգային ճանաչումը		25
Աուդիտորական կազմակերպության աշխատանքային փորձը		15
Աուդիտի աշխատանքներին մասնակցող աշխատողների աշխատանքային փորձը		15
Աուդիտի աշխատանքներին մասնակցող աշխատակիցների որակավորումը		20
Աուդիտի անցկացման ժամկետները		5
Աուդիտորական եզրակացության և/կամ հաշվետվության ներկայացման ժամկետները		5
Մասնագիտական գործունեության ձախողման համար մասնագիտական ռիսկի ապահովագրության առկայությունը և դրա ծածկույթը		10
Բանկի և կազմակերպության միջև նախկինում առկա աշխատանքային փորձը		5
Տեխնիկական առաջարկի ընդհանուր միավորներ		100

45. Ֆինանսական առաջարկին հատկացված առավելագույն միավորները տրվում են ամենացածր գնային առաջարկին: Բոլոր մյուս ֆինանսական առաջարկները միավորներ են ստանում հակադարձ համամասնությամբ:

46. Մրցութային առաջարկների տեխնիկական չափանիշներն ու դրանց գնահատումը կատարվում է հետևյալ եղանակով.

- 1) Աուդիտորական կազմակերպության միջազգային ճանաչումը (հեղինակությունը)՝ գնահատվում է 1-3 միավոր.

ա. ըստ միջազգային խմբի տարեկան համախառն հասույթի մակարդակի առաջին 10 աուդիտորական ցանցերի լիիրավ անդամ հանդիսացող աուդիտորական կազմակերպություններ՝ 3 միավոր,

- բ. միջազգային գործունեություն ծավալող ընկերություն, որը չի մտնում սույն ենթակետի «ա» պարբերությունում նշված կազմակերպությունների մեջ՝ 2 միավոր,
- գ. միայն ՀՀ-ում գործունեություն ծավալող ընկերություն՝ 1 միավոր,
- 2) Աուդիտորական կազմակերպության բանկում աուդիտի իրականացման աշխատանքային փորձը գնահատվում է 1-ից 3 միավոր.
- ա. 11 տարի և ավելի՝ 3 միավոր,
բ. 8-ից մինչև 11 տարի՝ 2 միավոր,
գ. 5-ից մինչև 8 տարի՝ 1 միավոր,
- 3) Աուդիտի աշխատանքներին մասնակցող աշխատողների աշխատանքային փորձը գնահատվում է 1-ից 3 միավոր: Գնահատելիս հաշվի է առնվում բանկային աուդիտի բնագավառում աշխատանքային փորձը.
- ա. Աուդիտ իրականացնող խմբի անդամներից կեսից ավելին ունեն մինչև 5 տարի՝ 1 միավոր,
բ. Աուդիտ իրականացնող խմբի անդամների կեսից ավելին ունեն 5 տարի և ավելի՝ 3 միավոր,
- 4) Աուդիտի աշխատանքներին մասնակցող աշխատակիցների նվազագույնը 50%-ը՝ ներառյալ Աուդիտորական կազմակերպության պատասխանատու աուդիտորը, պետք է ունենան միջազգային հաշվապահական և (կամ) աուդիտորական որակավորում (Էյ-Սի-Սի-Էյ, ՍԻ-Փի-Էյ, Սի-Այ-Էս-Էյ և այլ), որից գերազանցումը գնահատվում է հետևյալ կերպ.
- ա. 50-65%՝ 1 միավոր,
բ. 66-85%՝ 2 միավորում,
գ. 86% և ավելի՝ 3 միավոր,
- 5) Աուդիտի անցկացման ժամկետները գնահատվում են 1-3 միավոր հետևյալ կերպ.
- ա. հաշվետու տարվա ավարտից հետո 20 աշխատանքային օր ներառյալ՝ 3 միավոր,
բ. 21-30 օր՝ 2 միավոր,
գ. 31 և ավելի՝ 1 միավոր,
- 6) Աուդիտորական եզրակացության և/կամ հաշվետվության ներկայացման ժամկետները գնահատվում են առավելագույնը 3 միավոր, հետևյալ կերպ.
- ա. աուդիտի ավարտից 20 աշխատանքային օր՝ 3 միավոր,
բ. աուդիտի ավարտից 21-30 օր՝ 2 միավոր,
գ. աուդիտի ավարտից 31 օր և ավելի՝ 1 միավոր,
- 7) Մասնագիտական գործունեության ծախսողման համար մասնագիտական ռիսկի ապահովագրության առկայության և դրա ծածկույթի մեծության կամ պայմանագրային պարտականությունների չկատարման այլ կերպ փոխհատուցելու ծածկույթի մեծության ազդեցությունը (ներկայացվում է մրցույթի մասնակցի կողմից) գնահատվում է պայմանագրի գումարի

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

նկատմամբ 1-ից 3 միավոր, կախված մինչև 5 տարվա ժամանակահատվածում աուդիտի եզրակացության որևէ դրույթի սխալի, անճշտության կամ խեղաթյուրման փաստի ի հայտ գալու դեպքում, պայմանագրային արժեքի.

- ա. 5%՝ 1 միավոր
- բ. 10%՝ 2 միավոր
- գ. 15% և ավելի՝ 3 միավոր,

8) Բանկի և տվյալ աուդիտորական կազմակերպության միջև նախկինում առկա աշխատանքային փորձը՝ գնահատվում է 1-3 միավոր՝ Հանձնաժողովի սուբյեկտիվ հիմնավորմամբ:

47. Մրցույթի արդյունքների ամփոփման գործընթացն ավարտելուց հետո Հանձնաժողովը կարող է գնային առաջարկի վերաբերյալ բանակցել գնահատման արդյունքում առավել միավոր հավաքած մասնակցի հետ:

ԳԼՈՒԽ 13. ԵԶՐԱՓՈՒԿ ԴՐՈՒՅԹՆԵՐ

48. Մրցույթի արդյունքներն ամփոփելիս Հանձնաժողովը հաշվի է առնում Բանկի տարեկան բյուջեով սահմանված աուդիտորական ծառայության վճարի առավելագույն ընդունելի մեծությունը: Եթե առաջարկները գերազանցում են նշված մեծությունը, ապա Բանկը կարող է իրականացնել նոր մրցույթ:

49. Հանձնաժողովը մրցույթի արդյունքներն ամփոփելուց հետո եռօրյա ժամկետում կայացած մրցույթի վերաբերյալ բոլոր անհրաժեշտ փաստաթղթերը ներկայացնում է Բանկի Խորհրդին, իսկ վերջինս որոշում է կայացնում մրցույթում հաղթած աուդիտորական կազմակերպությանը Բանկի բաժնետերերի տարեկան ընդհանուր ժողովի հաստատմանը ներկայացնելու վերաբերյալ:

50. Եթե Բանկի բաժնետերերի տարեկան ընդհանուր ժողովը չի հաստատում աուդիտորական կազմակերպությանը, ապա Հանձնաժողովը 10 աշխատանքային օրվա ժամկետում հայտարարում և իրականացնում է նոր մրցույթ՝ պահպանելով Կարգի դրույթները:

51. Մրցույթի մասին հրապարակային ծանուցման պահից Բանկը հնարավորություն է ընձեռում մասնակիցներին ծանոթանալու Կարգին:

ԲԱԺԻՆ III. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ ԽԱԽՏԵԼՈՒ ՀԱՄԱՐ, ԵԶՐԱՓՈՒԿ ԴՐՈՒՅԹՆԵՐ

ԳԼՈՒԽ 1. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ ԽԱԽՏԵԼՈՒ ՀԱՄԱՐ

	<p>Կարգ Անկախ աուդիտորական կազմակերպության ընտրության</p>	<p>Կոդ: ԿՐԳ 19-01 Խմբագրություն: 05 Դաս: ՆՔ Ամսաթիվ: «27» փետրվար 2026թ.</p>
---	---	--

52. Կարգով սահմանված գործընթացներում ներգրավված Բանկի աշխատողներն անհատական պատասխանատվություն են կրում Բանկի ներքին իրավական ակտերով, նրանց հետ կնքված աշխատանքային պայմանագրերով՝ Կարգով նրանցից յուրաքանչյուրի համար սահմանված աշխատանքային պարտականությունները ճշգրիտ և պատշաճ չիրականացնելու համար:

ԳԼՈՒԽ 2. ԵԶՐԱՓՈՒԿ ԴՐՈՒՅԹՆԵՐ

53. Կարգի պահանջների պահպանման նկատմամբ հսկողությունն իրականացնում է Խորհրդի քարտուղարը, իսկ վերահսկողությունը՝ Բանկի Խորհուրդը: